
Маҳаллаларга бепул китоблар тўплами тарқатилди

Бағдод туманида аҳоли, жумладан, ёшларнинг бўш вақтларини мазмунли ўтказиш, уларни китобхонлик ва китоб мутолаасига кенг жалб этиш мақсадида маҳалла фуқаролар йиғинларидаги “Зиё” масканлари учун китоблар тўплами тарқатилди.

“Маҳалла” хайрия жамоат фонди Фарғона вилояти бошқаруви томонидан амалга оширилаётган “Ҳар бир маҳаллага бепул китоб” акцияси доирасида, туманда мавжуд маҳаллаларга 17 номдаги жами 918 дона бадий китоб топширилди.

Китоб мутолааси ва китобхонлик маданиятини юксалтириш мақсадида ташкил этилган мазкур акцияда ёшларнинг дунёқарашини кенгайтиришга қаратилган, таълим-тарбияга оид китоблар, ўзбек ва жаҳон адабиёти намуналари бепул етказиб берилмоқда.

Бағдод тумани ҳокимлиги Ахборот хизмати.

2023-02-01 15:50:04